

DISSERTATIO PHYSICA

INAUGURALIS,

DE

HOMINUM VARIETATIBUS.

4

DISSERTATIO PHYSICA
INAUGURALIS,
DE
HOMINUM VARIETATIBUS;
QUAM,
ANNUENTE SUMMO NUMINE,
Ex Auctoritate Reverendi admodum Viri,
D. GEORGII BAIRD, S. S. T. P.
ACADEMIÆ EDINBURGENÆ Praefecti:
NEC NON
Amplissimi SENATUS ACADEMICI consensu,
Et nobilissimae FACULTATIS MEDICÆ decreto,
Pro Gradu Doctoris,
SUMMISQUE IN MEDICINA HONORIBUS AC PRIVILEGIIS
RITE ET LEGITIME CONSEQUENDIS;
Eruditorum examini subjicit
JOANNES TAYLOR,
VIRGINIENSIS.

*Quidquid praecipies, esto brevis : ut cito dicta
Percipiant animi dociles, teneantque fideles.*—HOR.

VIII. Calendas Julias, hor. loc. fol.

EDINBURGI:
CUM PRIVILEGIO, APUD ALEX. SMELLIE.

1806.

JOANNI TAYLOR

ARMINGHO

TATHI OTTINO

SUMMA RIKTATE

ANIMIQUE GRATO

L. D. D. OQUE

ILLIUS

JOANNES TAYLOR



JOANNI TAYLOR,

ARMIGERO,

PATRI OPTIMO,

SUMMA PIETATE,

ANIMOQUE GRATO,

D. D. C.QUE

FILIUS,

JOANNES TAYLOR.

VIRO EXIMIO

J. MONROE,

VIRGINIENSI,

LEGATO AMERICANO

LONDINI,

HOCCE OPUSCULUM,

BENEFICII IN EUM COLLATI

MEMOR, OFFERT

AUCTOR.

DISSERTATIO PHYSICA

INAUGURALIS

DE

HOMINUM VARIETATIBUS.



INTER animalia, quae orbem terrae incolunt, gens humana in nulla regione hospes, sola forsan oras maxime remotas impune adit.

Nullam fere esse terrae plagam, utcunque fere et caelo diversam, incolis orbatam, peregrinantes uno fere ore consentiunt. In hocce opusculo hujus causas anquirere consilium est, et qua decet diffidentia statuere, an homines ex diversa

A

stirpe

stirpe progeniem ducant, vel principium generis humani ex uno genitore repetendum sit, et hac lege procreati sint, ut partibus terrae maxime diversis semet affuefaciant.

Quaedam generalia huic proposito haud aliena primum obiter attingere liceat; postea ad formam, staturam et colorem hominum breviter animum advertere; et denique quaedam agitare de animi dotibus et culturae effectibus lubet.

Imo, Ne varia animantium genera perirent, ab natura faecunda satis provisum est, cupido enim similibus omnibus fere animalibus innata est, dum alia declinant.

Si ulla regula certa esset, quâ diversae animalium species ab se mutuo accurate secernerentur, amplius progredi supervacuum foret, quippe hoc litem adimeret. Buffon ad propriam sententiam tuendam, hujusmodi regulam proposuit, omnia nimirum animalia facultate sui similia gignendi praedita, quorum proles iisdem viribus pollet,

ad

ad idem genus esse releganda strenue contendit *. Buffon autem ipse quaedam in alia parte operis inopinanter protulit, quae huic opinioni adverfantur, etsi enim ovem et caprum ad diversa genera retulit, concedit nihilominus prolem ex his procreatam eadem vi genitali gaudere. Et sane, etsi res se ita non haberet, argumentum ex aliis animantibus petatum, homini non indubitanter conveniret.

DR HUNTER in sua dissertatione hanc regulam amplexus est, quae, ut ex supradictis patet, fundamento parum firmiter innititur. Et sane huic sententiae si ulla esset fides, homines ex communi stirpe esse prognatos plane sequitur.

Hac igitur regula posthabita, nos aliam et minus dubiam proferre non posse, dolendum est; nulla autem certa huiusmodi regula nobis suppetit, et iudicium de hoc proposito, non ex una

vel

* Octavo Edit. vol. 8. p. 104.

vel altera re, seorsim perpenſa, ſed ex multis ſimul collatis ferendum eſt ; ad ſecundam igitur hujus diſſertatiunculæ partem nunc devenimus.

DE HOMINUM FORMA, STATURA, ET COLORE.

HOMINES, quod ad hos attinet, tantum a ſe mutuo diſcrepant, ut omnes oris et artuum varietates figillatim exequi, et varias mutationes ex coeli regione et ex aliis cauſis provenientes perpendere, limites hujusmodi tentaminum ſolitos multum exſuperaret.

Differentia cujuſvis partis, ſeorsim examini ſubjecta, ſaepe non tam manifeſta eſt ; cum omnes autem ſimul conſpiciuntur, diſcrimen inſigne elucet.

Si ex facie admodum diverſa quam homines diverſi exhibent, aliquid de ortu colligere fas, eos haud minus quam canes ſpecie differre contendere

tendere aequum est. Nec sane discrimen magis notabile intercedit inter molossum et canem venaticum quam quod inter Britannum et Æthiopem, Lapponiensem et Danum observare liceat.

Plantae speciem admodum variam ostendunt, secundum terrae regionem qua pubescunt, quo melius forsan nutrimentum homini praebeant; et incolas cujusvis regionis non omnibus aequè esse aptatos neminem latet.

Statura hominum ex coelo, diaeta, et exercitio maxime pendet.

Tartari in universum exiguae staturae sunt, et eorum capita magna pro rata corporis magnitudine; humeros quoque rotundos, collum breve, et genas latas et prominentes habent; et hae notae magis conspicuae fiunt, prout polo magis finitimi sunt, cujus exemplum Lappiani, Borandani, et Samoides praebent.

Genus hominum qui Lappianos referunt in America circa ora frigida sinus Hudsoni degentes

tes observatur, quâ terræ regione, si Siberiam excipias, nulla frigidior est. Incolae hujus loci quatuor vel quinque pedes longitudine non superant, et capite amplo, oculis et pedibus admodum parvis, insigniuntur. Etsi hi effectus, ex frigore maxime intenso, et ex vita rudi et inculta aliquatenus pendent, res certe minus difficilis explicatu erit, si diversa esse hominum genera ponamus.

Si autem coelum sub quo homines degunt, ullum imperium exercet, color maxime affici debet, et huic maxime immoratur Buffon ; haec sunt verba ejus, “ Man, white in Europe, black in Africa, “ yellow in Asia, red in America, is, notwithstanding, the same animal, having different “ colours, produced by different climates*.” Hoc autem nequaquam in omnibus exemplis obtinet, Samoides enim, Lappiani, et Greenlandici colore pallent, et incolae Æthiopiae inferioris, coloris fusi sunt, etsi regionem sole aequè fervido calentem ac Æthiopes nigri tenent. Buffon sententiae

* Lib. v.

tentiae maxime tenax, gradus frigoris et caloris extremos eisdem effectus in colorem edere affirmat.

Incolae Americae colorem cupreum omnes exhibent, etsi in hac regione, quae latissime patet, coelum maxime variat, et quaedam partes solis ardore perustae sunt, dum aliae frigore acerbissimo constringuntur.

Norvegienses Septentrionales terram aequae frigidam ac Samoedes, Lappiani, et Greenlandici incolunt, colorem autem candidiorem, quam alii Europaei habent. An credendum est, secundum eos, qui colorem diversum ex effectibus solis repetunt, mutationem ex hoc fonte derivatam tradi liberis, qui nunquam solem conspexerunt? Nigrorum nati parentes colore fere referunt, saltem nullum discrimen notatu dignum intercedit. Raynal in opere ejus eximio affirmat, progeniem Africanorum, in America procreatam, quam parentes, non tam saturate nigrescere; in errore
autem

autem versatur, post plura enim secula, nulla hujusmodi mutatio observanda est.

Nonnulli auctores asseruerunt liberos nigrorum recenter natos colore albo insigniri. Quid huic errori originem præbuerit, nescio; sunt quidam ex parentibus nigris orti, et etiam adulti, quorum color subalbidus est; hoc autem ex albis cum nigris connubio commistis pendere videtur; nec magis apparet colorem nigrum ex corpore vestibus induto imminui.

Quidam opinantur homines in regionibus calidioribus degentes colore nigro infici, quo melius ardorem nimium solis sustineant; hoc autem nequaquam verisimile est, etsi enim superficies atra plures caloris radios emittere comperta est, ut ex periculis a Dom. LESLIE perite institutis constat; calorem quoque avidius absorbere invenitur, et nulla est ratio cur credamus hunc illi cedere, et fane si absorptio emissionem exsuperat, haec nigrities cutis calorem potius adaugeret.

Figura

Figura capitis in Æthiopibus spatium intermedium tenet inter caput Europaeorum et Orang-Outang. Ossa quoque intermaxillaria, tempore aetatis conspicua, quando nulla horum vestigia in Europaeis manent. Surae tenuiores et multo altiores, capilli lanei et retorti, crassities labii superioris, et odor cutis rancidus, quibus Æthiopes ab aliis discernuntur, hos ad diversum hominum genus pertinere fortiter suadent.

Color corporis sedem habet in illa cutis parte quae rete mucosum nuncupatur. De hoc certamen fuit inter anatomicos, donec Malpighi, Medicus Italicus cutem in tres laminas esse divisam demonstravit, nimirum in cuticulam, cutem veram et substantiam his interjectam, cui nomen rete mucosum indidit; hoc cuticulae tam firmiter adhaerebat, ut anatomici antiquiores duas solummodo fuisse laminas persuasum habuerunt; hoc comperto, sedes coloris haud amplius latebat; cuticula enim ex rete mucoso probe sejuncta, fere pellucida est, et in hominibus nigerrimis, ex iis quibus color candidissimus est, minime dif-

fert, et hinc, quoniam cutis vera in utrisque eadem est, colorem ad rete mucosum relegare necesse est, quod quoque aliorum experientia comprobavit.

Omnes igitur causae quae colorem mutare valent, ex modo quo rete mucosum afficiant, effectus suos gignunt; et ideo anatomici hanc substantiam differre in hominibus, qui in diversis coeli plagis degunt, comperti sunt; hoc quoque coelum ad colorem mutandum aliquantum conferre docet, etsi discriminis adeo insignis, quod inter nigros et albos homines intercedit, rationem satis validam nequaquam reddere valet.

Gradus caloris frigorisve quod in quavis regione obtinet, causa habenda est cui corpus assidue obnoxium est; hinc nervi nunc tensi, nunc resoluti; nunc dilatati, nunc contracti habentur; fluida quoque corporis, prout excretio per cutem, et aliae secretiones auctae vel imminutae fuerint, affici debent; cutis quoque ex delicata ejus textura viribus coeli et radiis solis maxime

maxime objicitur, et forsan calore ex eo subducto afficitur.

Color autem ex vi solis super cutem agente non omnino petendus est. Calor, praesertim cum effluviis putridis conjunctus, quae in regionibus calidis et incultis maxime abundant, systema nervosum haud parum resolvit; hinc bilis liberius secerni videtur, quae per cutem diffusa, colori fusciori originem ex parte praebeat; saltem copiam bilis, pro gradu caloris, adaugeri, opinio invaluit*.

Et hic de lucis effectu in colore mutando, obiter advertere haud abs re foret; luce enim plantae multum afficiuntur, ut multa experimenta docuerunt; et hinc verisimile fuit, et experimentis nunc probatur, eam in colore humano aliquantulum valere. Si lux ullum imperium exerceat super colorem, rete mucosum certe afficit. Hoc colorem album in Europae parte septentrionali,

* Vide Dr M'Clurg on the Bile.

onali, cupreum in America, et nigrum in Æthiopia habet. Luce semper reti mucoso Africanorum admota, forsan abstrahitur oxygenium, et hoc abstracto, carbonium manet, et hinc fortasse derivatur ex parte nigrities Africanorum. In America, lux non tam vivida est, ut in Africa, et oxygenium tanta copia non abstrahitur, quare color incolis est cupreus. Observatur etiam eas corporis partes, quae vestimentis induuntur, magis albidas esse, quam quae luci exponuntur. Foeminae quoque albidiores sunt quam homines, quippe minus aeri objiciuntur. Rete mucosum, oxygenio admoto, magis album evadit. Sulphuretum potassae cuti applicatum, ei colorem nigrum impertit. Dr BEDDOES narrat digitos nigros albidos fieri acido muriatico, oxygenii parva quantitate cum rete mucoso conjuncta.

Ex piscibus quoque et ex aliis animantibus, lucem ad colorem corporis humani mutandum nonnihil efferre colligere liceat.

Sed

Sed certe color non omnino tribuendus est lucis effectibus, quippe color humanus in diversis terrae partibus non variat, prout lux magis vel minus vivida fuerit.

Homines qui ex regionibus frigidis ad calidiores migrarunt, fere semper malis biliosis tentantur, quae forsan ad vires naturae medicatas, quibus corpus melius aptatur coelo, referenda sunt; et sane si aliquid ex morbis colligere fas est, bilem ex Ictero inveterato vel melancholia redundantem, cutem colore ad nigrum vergente deturpare optime innotuit; hinc bilem aliquid ad colorem nigrescentem conferre, concludere aequum est.

DE

DE ANIMI DOTIBUS.

FACULTATES animi in diversis hominibus haud secus ac corporis formam differre, nemo non agnoscit. Peregrinos odio prosequi, generi humano fere commune est. Inter gentes barbaras, quarum motus animi indomiti, rationi haud obtemperant, ira et indignatio crudele imperium exercent; hoc autem non omnibus barbaris proprium est; sunt enim quidam, ingenio adeo miti a natura comparati, ut vitam humanitate exornent. Horum exempla tam bene nota sunt, ut ea recensere haud necessarium est.

Mores autem hominum Aboriginum, qui in Insulis habitant, et qui vitam ab aliis segregatam degunt, maxime spectandi sunt.

Sunt quaedam Insulae, Novae Guineae proximae, quarum incolae impavidi sunt, truces, fer-

ro metuendi, et peregrinis inimici, qui ad sua litora forte iniqua acti sunt.

Benignum hospitium, quo nonnullae gentes advenas excipiunt, quippe infrequens, attentionem jure vindicat. In Insula, Amstelodamum dicta, in Oceano Australi, Indigenae Batavos quosdam ad suas sedes advectos summa comitate excipiebant. In quibusdam Insulis parvis Otaheitae finitimis, habitatores peregrinis amicissimi fuere, nec ulla irae vel suspicionis indicia prodiderunt. Cum autem gentes hujusmodi advenas plerumque odio et inimicitia prosequuntur, cui haec exceptio ex lege generali tribuenda est? Haec certa suavitas vel iis innata est, vel culturae debetur; huic non tribui potest, quae mores hujusmodi potius servat, quam iis originem praebet. Quosdam igitur gentes ita a natura comparatas esse fateri cogimur.

Quo hoc plenius eluceat, ad quosdam homines naturâ vel timidos vel animosos respicere liceat. Qui Scandinaviam incolunt, impigri, aciem instruere

struere et bello contendere amant, nec mortem adire reformidant, quippe animis penitus infederit opinio, se ad regiones felices migrare, cum e vita decesserint; sic enim Lucanus habet.

Vobis auctoribus umbrae,
Non tacitas Erebi sedes, Ditisque profundi
Pallida regna petunt, regit idem spiritus artus
Orbe alio, longae (canities si cognita) vita
Mors media est. Certe populi quos despicit Arctos
Felices errore suo, quos, ille timorum
Maximus haud urget, leti metus. Inde ruendi
In ferrum mens prona viris, animaeque capaces
Mortis *.

Homines qui Malaccam et Insulas vicinas occupant, prae omnibus fere, truces et impavidi sunt, etsi intra metas Solstitiales degunt. Quidam barbari in America Septentrionali degentes, etsi in aliis fortitudine parum insignes, doloris patientes sunt, ultra quam cuivis credibile est, et acerbissimos

* Lib. 1. Cap. 2. de re militari.

bissimos cruciatus pectore inconcusso et etiam sine gemitu perferunt.

Innumera sunt exempla hominum in Insulis degentium, qui timidi et imbelles, alios homines, metu perterriti, evitant. Quo autem haec tendunt? Si aliquid ex iis colligere fas est, homines diversam originem agnoscere, deducere liceat.

Vegetius has varietates ad coeli effectus relegavit; affirmat enim, “ Omnes nationes, quae vicinae sunt soli, nimio calore ficcitas amplius quidem sapere, sed minus habere sanguinis dicunt, ac propterea constantiam ac fiduciam minus non habere pugnandi, quia metuunt vulnera, qui se exiguum sanguinem habere novunt. Contra Septentrionales populi remoti a solis ardoribus inconsultiores quidem, sed tamen largo sanguine redundantes, sunt ad bella promptissimi *.” Coelum sub quo homines degunt,

* Lib. 1. Cap. 2. de re militari,

gunt, non solum in colore, sed etiam in animi indole permutanda haud parum valere, Vegetio affirmanti, facile accedimus; quantum autem valeat, pro certo statuere difficile est, et sane varietates adeo insignes quae in diversis gentibus obtinent, ex hac causa sola profluere, nequaquam verisimile est.

Si ad societatem, genus vitae, diaetam nempe, vestitus, habitationes, mores et consuetudines, naturam Soli, scientiae statum, religionem, et ad varias opiniones numero carentes respiciamus, quae figillatim ad ingenium mutandum aliquid conferre possunt; ex omnibus simul conjunctis, varietates maxime notabiles provenire posse confitendum est.

Cum orbem terrae longe lateque oculis perlustramus, et omnes ejus partes, utcunque a caeteris sejunctas, etiam insulas longissimo intervallo ab Continente diffitas, incolis minime esse destitutas invenimus; unde hae terrae partes primum colonos deduxerunt, ratio quaerenda est. Homi-

nes,

nes, qui has Insulas primum tenuere, vel iis proprii fuerunt, vel terra mutationes vix credendas subiisset, oportet. Navigationi minime tribuendum est; bene enim notuit, hujusmodi insulas habitari, longe antea ars navigandi ita provecta sit, ut homines tam immensum aequor metiri auderent. Aquae et terrae alio modo partitis, ac hodie evenit, deberi non videtur, tales enim mutationes nunquam hisce temporibus observantur, etsi eadem causae naturales, ac olim, adesse videntur. Quomodo, quaeso, Borneo, vel Nova Batavia, tam longo spatio ab oris Africae distans, incolas primum accepisset, ni aborigines iis proprios fuisse credamus.

Minime autem opinamur omnes gentes proprietatibus levibus solummodo insignitas, ad diversum genus relegari debere; et sane hominum varietates multo esse pauciores, quam hujus doctrinae fautoribus persuasum est, facile concederemus. Utcunque autem hoc erit, ex magno discrimine quod inter diversas gentes intercedit, si
vel

vel colorem, vel staturam, formam, dotefve animi perpendere velimus, sententia, quae ponit homines communem stirpem nequaquam agnoscere, maxime nobis arridet.

FINIS.